

度世品經卷第六

壹十

西晉三藏法師竺法護譯

菩薩住胎有十事何謂爲十欲得開化志住小乘懷怯羸劣衆生之等菩薩悉見此輩心念故現入胎或恐此等心發念言菩薩化生

壹十

德本自然不可學得故現入胎是爲一事菩

薩悉爲父母親屬往古宿世同學徒類及餘黎庶俱植德本欲度此黨故現入胎或復有人宿世積德因其胎中應受開化是爲二事

菩薩大士心未曾妄安隱庠序而意常定是爲三事菩薩若現在母胎時講法聖衆未曾

斷絕十方世界諸菩薩釋梵四天王俱來聚會示現無數不可稱計無際聖慧在於胎中顯其辯才而有殊特就度脫之是爲四事菩薩若在母胎中時合大衆會及諸開士悉欲

來集因本所誓欲度脫之故爲說法皆使得濟是爲五事又欲開化世間人民成最正覺皆備衆德莊嚴道場故示現生於人間是爲六事菩薩雖處在母胎中普自示在三千大千世界猶如明鏡見其面像其志微妙大乘學士諸天龍神捷沓和阿須倫迦留羅甄陀羅摩睺勒諸人及與非人各心念言我往稽首歸命供養菩薩是爲七事菩薩在於母胎中時有大法門名曰大慧藏遊到他方異佛國土最後究竟在胎菩薩俱共論講由是之故使其菩薩現入母胎是爲八事菩薩現入母胎中時有三昧名離垢藏承定意成不近母胎在兜術天入於清淨住母胎中亦無所入是爲九事又如來至真有大功德名離垢藏華而見奉敬供養如來之業是諸覺佛在

母胎時菩薩聖旨皆遍十方以真大聖諸菩薩衆有行名曰法界藏爲講此教入無極慧菩薩因是現十善微妙遊居而立大安菩薩有十事現其安詳何謂爲十於是菩薩入母胎時從初發意乃至現於阿惟顏法成具佛業若入母胎續復自示在兜術天或復來下

壹十
現入母胎已復出生故在母胎或示幼童不捨母胎示現在於宮媛女中顯母胎中復示出生固在母胎示於精進勤苦之行現詣道場坐於樹下得佛正覺復現在胎而轉法輪在於胎中現取滅度遊母胎中庠序勸進入于大道在彼胎止而普示現諸菩薩行建立如來無極大道懷來道門是爲菩薩現於十事庠序之行菩薩修生有十事何謂爲十菩薩悉明其意安然現生清和演大光明周遍

三千大千世界最後究竟不復更生而現所生無起不滅故曰爲生思惟三界所生受者猶如幻化現身出生十方世界其身顯示致一切智如來至真皆演威耀告勅一切諸有身者積累大慧三昧正受然後乃生菩薩適

生動諸佛國令衆生類心懷歡然消諸惡趣蔽衆魔事各各驚言今者菩薩從某處來是爲菩薩十修所生菩薩忻笑有十事何謂爲十察其世俗縛在貪欲而自纏綿無能拔者獨吾身力乃能堪任潰於斯黨是故而發笑耳俗人多爲塵勞之所迷惑自謂智慧無能逮者是故菩薩而發忻笑自大遊逸我身名號如此無上如來便以法身顯示大要遍於三世令各生意求欲致是諸菩薩眼無所罣礙從十方土至梵天宮乃復至於大神妙天

皆觀本末便自念言是衆生黨乃爾瑕穢菩薩智力悉覩見之又見人民宿積德本還復墮落見植少福望無量報覩平等覺正真之道無有侵欺觀古親友本時同學志菩薩道各各修淨未具佛法已已爲達察本所居諸天人民及在愚地不解正法心不動搖不以爲勞如來至真有演光明名大搖安放此大耀是爲菩薩十事忻笑菩薩行七步有十事何謂爲十菩薩爾時自現幼童舉足七步示有七財顯有殊異欲使地神所願具足自示其德超於三界獨步無侶遊如龍王行若象王舉動進止如師子步諸有往反所至到處菩薩行步周旋舉動皆越一切當時大地變爲金剛其餘凡地不能堪任載持菩薩撫育一切諸地衆生是故菩薩舉足七步又一切

人不解道義故復菩薩舉足七步應七覺意覺諸不覺以逮正法無所依仰吾於世尊豪無有上口自發言天上天下吾當度之是爲菩薩十事行步菩薩現幼童地復有十事何謂爲十悉知書疏算術計校所當應宜答報言辭無所不了故以是事顯示衆人又復示現上馬驅象乘車徃反神仙呪術與衆超異擣捕博掩妓樂歌舞超群越衆其身口意示有罪福而無殃疊以不嬌慢三昧正受遍於無量諸佛世界現在衆生而開化之菩薩顯德其慧過於天龍鬼神阿須輪迦留羅甄陀羅摩睺勒釋梵四天王咸來歸命又復自示釋梵四王色貌形像復以菩薩容貌自示顯其道業菩薩現於人民各異若有貪樂愛欲調戲或復愁憂憤亂衆生爲現歡悅令愛樂

法常以法會有所長益奉敬如來遍見十方以法光明如來威神現其安詳清和默然因化衆生是故菩薩現其幼童在於後宮多所救濟菩薩現在中宮處少女中復有十事何謂爲十與其宿世俱共同學菩薩因欲化此衆生顯示德本故在後宮菩薩又以植德本者應當勉濟故現後宮諸天人民憍豪自恣富貴自倚因此菩薩現大豪貴尊因而降化在五濁世隨時誘進化度佛土雖在中宮不廢三昧勢力無雙往古衆生興立誓願菩薩欲使如意悉得故現後宮欲令父母家室親屬本願備悉以大法音妙樂歌頌箜篌樂器奉敬供養如來至真僉令効之于時菩薩在於後宮了成佛道定意不動從初至終成最正覺而轉法輪至大滅度所以示現以法護

之救濟危厄使入大道是爲菩薩現在後宮最末究竟棄國捐王入山得道菩薩捨國復有十事何謂爲十示眾塵欲故現出家見於世俗多所染著欲使衆人不倚瑕疵顯現賢聖正真復跡柔順之義菩薩居業欲暢道化歎出家德以權方便現於二際墮在諸疑六十二見拔之令出衆生貪欲慾慾爲安爲顯衆難使棄所倚安樂之想爲著三界馳逸衆類示現先應故出家耳其意興盛無所依仰倚不可計故現出家又示逮得如來十力四無所畏隨時而教最後究竟臨當成佛法應當然是爲菩薩十事棄國捐王菩薩現勤苦行復有十事何謂爲十欲得開化小學之士故現六年進一麻米又欲勗勉倚著諸邪六十二見爲諸失德衆生之黨指示其業罪福

之報亦爲雜穢迷惑世界隨時勸導現已勞患能伏情欲示二等緣緣是之故受真諦法諸貪愛欲重自安已馳逸衆生令淨其心又復示現菩薩精進勤苦志道最於後世臨欲成佛示不更生用精進故諸天人民根不純淑及外異學使從訓誨是爲菩薩示十苦行菩薩詣道場復有十事何謂爲十演大光明照於十方使衆知之故詣樹下亦欲感動諸佛國土顯示已身使普佛土皆共見之又復暢示諸菩薩等及諸衆生前世所行悉來從斯稽首受學現其道場所坐樹下莊嚴清淨隨衆人本應時現身威儀禮節佛樹靜然使諸世界如來至真各自現身諸可經行舉足下足常修三昧不離定意覺了聖道不犯須臾諸天龍王捷沓和阿須倫迦留羅甄陀羅

摩睺勒釋梵四王現來奉敬衆人見之莫不發意大慧無礙菩薩所行普觀十方念諸如來曉了方面在諸國土現成正覺是爲菩薩現詣佛樹菩薩坐佛樹下復有十事何謂爲十以無數事動諸佛國故坐樹下皆欲照耀一切境土咸爲金剛觀諸如來處師子牀心所思念等如虛空現身威儀咸以隨時歸趣金剛道場三昧其諸如來所止之處受於清淨自承勢力以趣德本勸立一切群生之類是爲十事坐佛樹下菩薩坐尊樹下有十致未曾有何謂爲十坐佛樹時致未曾有自然之法十方世界諸如來至真等正覺各現面像伸其右掌各自讚歎當使導師得勝得勝則是第一未曾有法菩薩若復坐佛樹時一切

諸佛皆共念之遣威神往是爲二事坐佛樹時古昔同學諸菩薩等僉俱來至周市宿衛住定意門以若干物而供養之是爲三事在樹下時十方世界草木華實及諸藥樹雖無神識自然屈形而共曲躬向於佛樹而稽首禮是爲四事有大定意號積法界超越一切諸菩薩行假使逮得此定意時其功德明越衆開士是爲五事于時菩薩立身海藏離垢光曜總持之場使諸如來闡大法雨是爲六事則以柔軟頂之度去供養如來菩薩坐於樹下普遊諸國無所不遍是爲七事菩薩若坐佛樹下時其行亦如慧上開士普見一切衆生根本心念所奏是爲八事坐佛樹時自然善致佛聖覺定適得斯定普周無量三世之事猶如虛空是爲九事坐佛樹時則以已

身明識三世其大聖慧而無等倫演離垢光是爲十事未曾有法菩薩何謂降魔官有十事降魔官屬何謂爲十衆生同塵著於世俗生死之患不樂戰鬪是故菩薩現大勢力降魔官屬諸天人民貢高求名欲爲除斷自大

之難佛欲開化魔及兵衆諸天人民僉共娛樂俱來聚會因是化之菩薩力勢無有雙比亦復顯現欲使人知亦欲勸悅一切衆生顯其利義亦欲愍傷將來世人在佛樹下降魔官時悉已越度諸魔境界無有塵欲無力不力見諸薄力而現德本示慈心力降魔官屬隨時歡悅愛欲塵勞貪欲之世化以道法觀此十義是故菩薩降魔官屬菩薩成最正覺示如來力亦有十事何謂爲十能伏諸魔業塵勞之穢具菩薩行樂諸菩薩一切定意而

以自娛上衆開士聖慧之堂究竟成就諸清白法一切行義爲諸世間善思惟行其身普遍十方世界演其音響等心衆生皆暢威神而建立之過去當來今現在佛如來至真身口心等無所妄想一時之間普達三世有三昧名善覺覺意得是定時入佛十力以能興

三十一

八

此處處有力至漏盡慧是爲菩薩如來十力成最正覺住是力時諸佛普至故曰如來已成正覺如來至真則以十品而轉法輪何謂爲十致四無畏入清淨慧而暢慧音四分別辯又善曉了越於四諦遊居無礙正覺脫門曠意懸念一切群生消除不順侵枉苦惱悒感之患不閑之難不違往昔無蓋之哀消清和辭周十方界無央數劫班宣經法不以勞懈善分別解根力覺意一心脫門禪定正受

是爲十品成正覺時以無量義而轉法輪已成如來至真等正覺轉於法輪十清白法觀衆生心憒憒無閑歡悅其志令得亘然何謂爲十前世宿命所願力勢之所致也不違本誓威神建立無極大哀不捨衆生而救濟之

興顯聖慧而爲說法隨時建立而宣傳之應時令解使無缺漏明識解了三世之慧其身所行求無所造其意所宣無有形想所暢慧者隨音輒解是爲十事清白之法而轉法輪如來至真以作佛事觀見十義現大滅度何謂爲十常爲示現審諦非常一切有爲顯如呼喻普詣安處無爲之真除諸恐懼諸天人民著於色身故現色身如是無常法身常存而爲分別合有別離諸所有爲彈指已過豪無堅強一切三界猶如幻化衆想危脆無爲

三十二

九

最堅爲想道法無有毀壞諸習離別悉無所成爲示碎散法自應然諸佛世尊所作佛事皆已具足善轉法輪決諸狐疑令隨律教授菩薩決無有進退修大滅度是十觀義如來至真取滅度矣無有沒化普賢復白是爲佛子名菩薩行淨大法道門吾今所演法門之要粗舉都較如來至真所班宣義不可限量悅衆明智諸菩薩行皆承大願未曾斷絕假使人聞歡喜信者心以懷信則習奉行成就此義皆當疾成無上正真之道爲最正覺所以者何計菩薩道以行爲要未曾離行是故菩薩大士當住於行以能行此菩薩功勲入聖室度世徑路離於聲聞一切緣覺之徑路分別義好如蓮華輒能得入一切法門無極也化諸衆生無所懷俠照一切法經法門勸

諸群黎使得長益度世法門當至心聽度世法品受持諷誦一心思惟修道自門奉遵所願行如是已菩薩所求終不難得疾成無上正真之道說是經時宣諸法門演度世法品十方無量不可計會諸佛世界爲大震動皆佛威神之所興化宣致此法得是經典一切佛土自然動者而大光明靡所不耀十方諸佛皆各現身而遙讚歎普賢菩薩善哉善哉最勝之子隨時講說菩薩大士功勲之德分別正義一何快乎開闡班宣度世法品如汝佛子本學真諦解達斯法今者善說承經威德光明清淨經典之要我等悉解諸佛亦然吾等亦共稱譽此經於今現在十方諸佛爲諸當來諸菩薩學未聞者施慈恩廣大乃如是乎於是普賢菩薩大士承佛聖旨十方衆

聖之所接護觀於十方察諸衆會普瞻法界而說頌曰

修千億兆劫勤奉難限量歸千載煥佛
因生諸法子開化於衆生立道無涯底
咸共一心聽歎佛無等倫供佛不可限
已不著佛道解群黎塵欲不想計有人
見佛之功德不依其名勲嘆歎彼尊行
歡悅世巍巍已除罪塵魔普現於三世
其德超衆聖顯殊異力行燒盡癡愛行
志性存寂寞現行衆齊限今當歎功勲
最聖所過度衆生趣如幻爲示若干變
令人除自大適發心之頃普能悉曉了
今歎彼功勲衆生所奉敬覩苦惱衆生
五徑生老患終亡憂感危愛欲所傷害
愍欲度此等故建廣尊慧當歎此功勲

且共一心聽施戒忍精進一心以自娛
權慧度無極施以無極慈悲喜樂於法
百千劫護行今當歎此行聽所說功德
以求佛道故消千億煥身不貪惜軀命
是爲殊道真精勤爲衆生常復欲安已
歎能仁超行志懷愍哀慈無數千億載
劫數歎名稱以一毛取水尚可盡大海
所行精進德過是不可喻且聽佛境界
所現愍群庶爲衆生之故長清白德本
志性不卒暴不厭道法藥建立衆生處
慧江淵智樹世尊如大地群黎常戴仰
慈輒愍爲根護禁仁爲莖尊勲華慧葉
戒香甚清淨悟諸不覺意衆生愛敬行
無著等蓮華衆生見歸命解脫爲種稉
身本性懷慈智慧善權衡五枝度彼岸

禪葉神通華 一切智果寶 神足尊法樹
弘覆於三界 本修清淨跡 長育廣慧義
師子頸頤念 智慧淨繒首 空慧義第一
愍愍度世明 無我如師子 能吼降衆魔
得越生死曠 衆民邪塵欲 度所有家業
奉要行除愚 迷惑示正路 顯佛無上道
立志無恐畏 爲殊勝導師 衆生姪怒癡
冥塵若干蔽 長夜隨有爲 苦父母所惱
見群黎出生 以哀療愛欲 講八萬四千
用治棄衆病 此降伏魔塵 以法訓衆生
棄惡無所習 求嚴淨佛德 解法兩足帝
一切智慧尊 以賢聖之財 寶廣覺冥衆
戒三昧自娛 以聖淨智慧 用明達力刃
度塵無恐懼 作變於法幻 因轉最法輪
亦不退迴還 一切異學意 曉了深盡慧

普生其法味	覺意寶神足	開難化民庶
住于通慧力	嚴淨三爲君	斯爲大慧海
無雙說無盡	以越度世俗	不著三處衆
以成禪神通	慧如山無動	其有比清淨
無及智慧明	德聖超須彌	愍住衆生仰
性強若金剛	所修皆要固	其心不可毀
重法奉普智	遊衆魔塵欲	在世住無畏
消恩愛然熾	總攝俗群黎	普布於慈雨
演愍哀光焰	四神足雷鳴	能仁寂暢音
兩四分別辯	清和八品道	以此大陰雨
消滅衆塵勞	智垣壁恥塗	詩法幢爲旛
聖如牆解門	意念守門者	四諦成徑路
淨神足嚴跡	法幻爲城郭	主三界降魔
樹心一切智	堅住足飛行	如鳥獨遊行
教化如鳳凰	衆生無能逮	

狀度生死海 立志上泥洹 以戒之道場
興慧華鬚淨 以明消塵勞 枯竭恩愛流
增長藥根力 淨衆佛上道 則奮法日光
以照衆生界 法境場等淨 不捨等衆生
一切照諸學 聲聞緣覺乘 心普見三世
消念所增損 意聖慧超異 卷十
於法得自在 在衆嚴德像 十三
常立在法地 身相若干好 輕衆生如空
爲衆積經典 群黎最尊法 清淨越諸世
愛網衆塵勞 慈愍諸世俗 以越於三世
現身於三界 法音告一切 清淨猶如梵
濟邪見無樂 清淨度生死 境界法豪尊
不復重退還 大意攝蠕動 法尊超於世
以慧懷來衆 一切功勳最 大稱普流世
自然如虛空 除一切顛倒 在衆造超異

永不著諸界 普入清淨行 亦建立衆生
其智極玄妙 斯慧淨復淨 權便曠如地
普遍五衆生 其慈猶如水 洗除衆塵欲
以慧消愛欲 挑濟衆穿漏 世尊無涯底
遊三界如風 斯黨猶如寶 濟諸貧乏道
如金剛無佞性 三處諸見 其音若干品
普德嚴三界 尊如夜明珠 其行立首頂
功勲如衆華 覺意以自娛 斯等如華鬘
超世誓正願 其戒香清淨 完具無缺漏
以淨塗法香 慧布於三處 其行如高蓋
覆去塵勞欲 以跕立慧幢 報意無二跡
以行雜旛綵 修慧而懸智 諦羞恥衣服
以德覆衆生 無量界居乘 驍遊於三世
調定如龍象 其心常堅住 神足遊三世
越度大重擔 亦如大龍王 所布雲法水

亦如靈瑞華 衆人所難遇 斯等如勇好
降魔拔塵勞 亦如無轉輪 導師所班宣
現群黎終始 如冥中火炬 其德如江河
順路如流水 斯等如橋梁 常執載一切
如嚴淨舟船 以慧願度淵 亦復如船師
住衆明地最 遊觀夜娛樂 爲衆顯真樂
以慧法脫門 嚴慧淨宮殿 亦復如衆藥
消除塵勞病 如雪山雜藥 妙慧爲屋宅
其行如正覺 慧寤諸睡寐 其道平等覺
等心了衆生 斯所從來處 如勝行誠信
猶若一切智 入普門慧室 斯等多所化
濟若干衆生 以自在佛慧 遊一切智界
其力不可量 一切莫能當 其慧無所畏
解慧曉衆生 一切民庶像 顏貌名無際
諸色皆平等 字類諸音聲 悉度衆色像

離名者能現 一切衆生類 不任宣德耀
其修此功勲 捨非建立法 現在爲慧父
以遠有無際 則爲一切智 於慧第一明
唵入無著行 遵敬歡悅世 解了諸法門
如幻常空寂 往古願行哀 亦承佛聖旨
離慢顯慧門 而現若干變 皆共一心聽
菩薩之功勲 則以一身形 廣現無數衆
無心意境界 衆生不見心 演出一音聲
越諸辭境界 隨一切群黎 言語而班宣
以捨衆生身 欲報所行體 解音無所有
而暢衆聲教 壹十 心寂寘顯耀 覺諦如虛空
黎庶世各異 亦爲示若干 究竟無有身
尚復現有形 隨衆之所生 得立報應果
皆入諸所生 不著於所生 己身如虛空
不想若干人 其身不可量 明智悉能現

奉敬天人尊 彙世一切智 華香雜擣香
娛樂繒幡蓋 身命自投地 供養上聖尊
住一最勝下 皆立諸佛前 觀見諸衆舍
常問無等倫 聞法逮三昧 一臺無量門
從本所學住 意勇現無量 善權智慧業
以度于彼岸 曉衆生如幻 自致得佛道
遍見別異心 無量色音聲 入於求妄想
無著普現衆 或復現第一 為衆生顯心
或有行道者 見無量黎庶 布施戒忍辱
精進禪智慧 或受梵跡行 或現上妙行
或有行成滿 得忍示瞋恚 一及生究竟
或阿惟顏佛 或顯聲聞像 一及生究竟
億載國現滅 亦復不滅度 或斯忉利釋
須倫梵天王 玉女諸眷屬 或復獨遊步
比丘心寂寞 或復爲國主 入法網慧界

或顯妙色像 從天而沒來 或現女人像
所度於無極 或示在露精 或在廣欲禪
若積忍辱業 晓逮真諦地 現目見心行
或示入胞胎 於胎成正覺 而復轉法輪
或生顯滅度 或復學技術 女人中三昧
衆業已備悉 現棄國捐王 或復佛樹下
逮成最正覺 或現轉法輪 顯現若干品
或佛化衆生 遍億千國土 示現不退行
佛亦無家業 入想度無極 遊於億千劫
一心所顯現 境界百千劫 諸想無有想
爲衆現劫數 音十 無數無所說 而現有周旋
見有作寂業 普降於衆生 皆由降伏勝
彼處爲慚怕 佛國衆生界 入諸法報應
究竟百億劫 所宣不可窮 入衆生如是
廣智曉黎庶 則以一人身 報無量變形

亦以一幻術常悉周一切此說度無極
教諸不覺者解諸根通利中間調定本
諸根得自在衆生無有業一根入諸根
各各懷貪倚禪滅甚微妙所住諸入根
是脫信施性不止塵欲行過去當來心
現在亦如是衆生度彼岸無去亦無來
盡曉真諦行爲衆演上法心如此若干
心行塵無漏一心入正道甚解一切智
心在佛無心住第一上慧一發心之頃
解別自然慧神足度無極識別一切聖
神通發念頃至無量載國普遊亦如是
億百那術劫宣智不可量不動普徹力
幻師求財業衆中見諸像無色見諸色
幻者無所有權慧亦如是入於廣法幻
現若干種變普遍於世間如日在虛空

清淨無微翳猶如清淨水見底之所有
法界場淨然慧明為遠照見人界清淨
心不住邪見如夢種種思覺則無所有
無數億載歲長夜不可盡自然法等然
普現一切義竟住百千劫一時頃盡慧
處世間方俗如山頂門闈一切所暢音
不想已說慧菩薩曉了此隨衆生言響
隨衆生言響現法音無想諸法自然爾
野馬人起想馳走謂有水譬如春夏月
衆生欲興如志求立解脫虛渴益更甚
慈愍益更興佛說色如沫痛痒如水泡
想悉如野馬行者譬芭蕉其心猶如幻
識現若干變演五陰如此達者無所著
諸入空自然隨已有所作以等於法界
現離衆生土六事寂真諦說若干不定

是爲分別解 諸法所倚著 無來無去處
亦無常住處 恩愛之報應 罪福轉三世
分別因緣生 無住而拔者 至誠求本末
依倚無所有 了三世二等 一時現若干
在欲無色界 曾能顯境土 從行致三護
潛脫於三處 咨嗟宣三乘 歸一一切智
剖判法處處 令度諸根原 已解塵勞界
自在普遊居 識念過去事 明眼滅塵勞
曠慧佛十力 亦不得諸力 覺一切空意
現觀衆生法 無愛欲穿漏 亦不得盡儻
入於諸所生 菩廣不失衆 勝子勇住此
善施選擇行 不缺不動道 其意不忽忘
好精進定意 智慧消諸穢 悉造慧法護
今現於三世 慈法衆生侶 無爲無所得
其行此法門 達致宣揚德 粗舉其功勲

莊嚴諸至義 唱歎其所行 億載劫無盡
粗舉其要慧 如取地一塵 依倚佛聖慧
住未曾想念 精進堅慈心 超邇一切業
勸衆而教化 禪戒不可動 逮得正決行
皆號爲佛子 通入佛功勲 念國衆生行
入於無二想 慧超無獸難 得辯力總持
度以真諦義 讚無等倫心 逮成最正覺
普思賢功稱 誓願尊妙行 懇哀緣修慈
近尊淨妙道 解淨度無極 究竟權減度
識別得勢力 逮成最上道 解致普等慧
班宣最上法 超德執聖鑑 在道導法位
究竟住聖旨 等心除雷音 御慧化慢跡
得致弘佛道 智建立無想 致撫育之堂
住深倚勇猛 獨除衆生疑 思慧次第法
善報度無極 下入平等跡 慧部覺普智

以度雜碎智 神通自娛樂 明照脫塵勞
爲衆生苑囿 清淨行宮殿 現若干妙行
示衆無數淨 其心不動搖 究暢志性明
善說度無極 嚴淨道見中 奮慧光明耀
無雙無怯弱 其意如大山 德行至無極
卷十
知如海無盡 若寶室金剛 堅住大德鎧
所設極廣大 善解莫能壞 授決當至道
由住廣大心 得佛無盡藏 覺成一切智
常護慧自在 曉了現變化 見道庶深淵
住慧顯權變 身願建遊行 求心無量業
現億載無量 以悅樂黎庶 顯力神通飛
究暢娛樂力 還致覺境界 難化衆生類
勇猛無所畏 嚴智無言辭 一切爲佛子
其身大清淨 體業甚廣長 口言亦清淨
樂建慧至誠 最勝造十業 心心發其心

顯遍最爲上 定意教諸根 勝諸原堅住
清淨除謾詭 性行常質直 以致入解脫
現衆若干變 素捐所止處 執懷上品業
成其所當善 解達一切智 不捨住寂然
住於上憎怕 出生號功勲 善學於大道
堅立入衆生 所行以爲手 腹強慧最上
其意如金剛 懿鎧聖淨枝 智慧首觀法
識道行博聞 戒香爲清淨 動靜爲最上
身心遊言辯 心慧爲最勝 所行至佛道
坐於師子牀 梵行迹卧寐 最空行無爲
明爲往安界 光所照若斯 觀察知衆生
行若干頻伸 布施離慳貪 不輕慢禁戒
忍辱捨瞋恚 精進最第一 謹智得自在
慈心等衆生 懿哀無厭法 清淨盡塵勞

義寂順道法 以福施衆生 聖慧利如犀
明智照廣遠 博聞無厭足 無畏技妄想
制已立在行 得脫魔徑路 所修佛慧業
志性稽首奉 納捐于貢高 常遵爲道義
勗勉魔所困 從佛之威神 大意隨法教
總義至無上 壹十 所作後追身 超嚴度無極
所生現豪尊 初生行七步 普顯諸技術
示現在後宮 糜家無所慕 修道至止本
近空光明耀 習廣至誠業 降魔逮上道
轉法輪之跡 示在佛道地 大師無等倫
此行無涯底 粗現或廣遠 積行億載劫
以是爲娛樂 億百千衆生 精修住佛德
法者無有人 及著一切行 此行合慧義
神通以自娛 億千諸國土 一力百載劫
手掌擎周行 億載國不勞 尋能還復處

不逼惱衆生 諸佛國嚴淨 現之如有限
皆令衆生類 入於一毛孔 使其四大海
在於一毛孔 不增亦不減 億衆無迫惱
掌捉大鐵園 億垓如一塵 移億江沙土
還復著故處 取國并其土 或有破壞者
以無心降伏 所入不可盡 假令百千日
一切月照衆 明珠大焰光 及諸天須倫
演一毛之光 其耀超億載 演無上法已
皆消世惡趣 若干種言音 衆生無餘辭
暢一音教已 壹十一 皆周入諸訓 得聞柔軟音
巨億衆忻然 佛所講法音 咸共悉聽之
計其過去劫 而觀當來事 若當來現在
爲顯過去行 示限諸佛土 危壞復還復
以諸衆生億 悉具入一毛 十方佛威神
建立得越度 皆已身真現 感動現變化

明者住無慢 晓了衆生心 隨其身示現
離垢不貪已 一切諸人身 口言所歸趣
釋梵四天王 諸天及世人 聲聞緣覺乘
皆從佛身出 示奉行佛道 至於一切智
皆入思想網 清淨中瑕穢 建立於普智
常現佛道國 念分別思想 總世自在智
從其本行道 國爲現所修 所感動如此
善廣極現上 世俗所不及 爲現如斯教
所現無所現 復能有過者 因黎庶性行
爲顯真諦業 其身等如空 其名聞三世
戒香衣自熏 寂然德莊嚴 被法離垢繒
普智如意珠 明智已備悉 功勲住普智
逮度無極輪 常施最神通 慧神足無礙
至智上明珠 其行淨妙女 殊勝攝四恩
唱導以善權 德善本法輪 居空定意尊

慈愍鎧爲城 弓弩智慧意 諸根明爲箭
建立爲世蓋 聖慧峙幢幡 因降諸魔勢
伏以忍辱力 土地攝總持 行慧淵智樹
覺意華三昧 神足嚴娛樂 解空爲浴池
脫門要淨妻 曉法甘露食 樂戲以三乘
是行爲最尊 殊妙不過此 億垓百千劫
未曾興懈倦 恭敬聖淨土 曉衆樂無住
立慧諸妙樂 具足一切智 勇猛計諸國
天雨消諸穢 衆妙尚可盡 呂猛計諸國
須臾一時間 可曉衆心念 唯歎諸佛子
壹十
百千劫無盡 欲致淨功勲 慧無能過者
濟度終苦患 令立於永安 至無盡平等
安住身口意 當堅固其心 造行如金剛
十一
普賢菩薩說是語時三千大千世界六反震
動其大光明普照十方箜篌樂器不鼓自鳴

諸天人民莫不欣慶聲聞弟子皆來歸命諸菩薩等皆言其誠一切衆會皆共歡然悉發無上正真道意普智菩薩復白佛言道從有言無言致乎佛言亦從有言亦從無言墮在五趣生死之難五陰六衰所見羈絆十二因緣六十二見擾擾不安或十二海不度彼岸此諸事業百千種病故佛設教施以法藥戒定慧解度知見品四等四恩三十七品六度無極十二部經空無相願四諦三脫及以三寶以用療治此諸穢病藥爲病施無病無藥

三毒衆穢皆爲重病至正真慧而曰不病因緣所縛不解道者故佛爲暢燒喻文說聚沫水泡芭蕉野馬影響幻化夢月恍惚以解其意此事皆虛因惑而生不貪世俗習道法藥六度四等四恩衆事奉行此業得至於道解

諸言教本皆無言或有佛土無有五陰六衰三毒因緣之縛故無文說無身無言虛靜寂寘解無三界不住有爲不處無爲不處中間是爲名曰從無言致普智復問今者衆會來集於此或有深解諸根明徹或有中人可進可退或有下士不知所趣達者無疑中間下士皆懷猶豫所以者何聞吾向者問二百事普賢菩薩答以二千各心念言事物煩鬧不知何事可奉可捨願佛分別開解其意以何等故事有二百答以二千佛言善哉善哉所問一何快乎決將來疑令諸學者不挾經網佛言諦聽善思念之當爲汝說是義所趣答言受教佛言用有二故故問二百何謂爲二有神貪身計有吾我有內有外在有在無故問二百又復問曰用有此計故有生死何故

復鄭重問二百事世尊告曰其二百事所可
詣問皆除吾我內外有無則以權慧開化無
際不得內外乃得至道開化一切普智復問
普賢菩薩何故復重二千事答世尊告曰十
方一切皆來集會其心各異意行不同達者

聞要則以至道不能達者爲演多辭曉喻文
說牽攀義旨所覩形以喻其意乃得解慧
如衣多垢以淳灰浣若干反數乃得淨耳然
後染之其色乃鮮譬如有欲起屋宅其地
高下不能平正多有溷廁蛇虺毒蟲高下平
之除去不淨擯棄蛇虺築牆圍基乃起屋宅
菩薩如是除去五陰六衰十二因緣吾我諸
蓋行大慈哀智慧善權爲衆法舍爲世間護
爲世間臺普智復問何謂法舍世尊告曰教
化一切皆入空慧無憎無愛心無妄想度脫

衆生是爲法舍普智復問何謂爲臺世尊告
曰以六神通徹視觀見十方心念徹聽有形
亦察無形身遍十方無有去來道心觀見一
切根原本無處所見已本際不處有無不處
生死不住滅度開心一切皆至大道是曰爲
臺何謂爲護世尊告曰隨時開化入於五道
而淨五眼何謂爲五眼一曰肉眼處於世間
現四大身因此開化度脫衆生何謂天眼諸
在天上及在世間未識至道示以三乘各令
得所何謂慧眼其不能解智度無極皆開化

之使入大慧何謂法眼其在褊局不能恢泰
悉開化之解法身一無去來今平等三世何
謂佛眼其迷惑者不識正真陰蓋所覆譬如
睡眠示以四等四恩之行布施持戒忍辱精
進一心智慧善權方便隨時而化進退隨宜

不失一切各令得所皆發無上正真道意普智復問何謂此經名度世品佛言一切衆生閉在世間何謂爲閉五陰六衰之所覆蓋纏綿生死不能自拔以權方便智度無極消去五陰捐棄六衰不計吾我不在生死不住滅度譬^{蓋十}如日月晝夜演光權慧如是忽然無迹德如虛空無有譬喻是故名曰度世品佛說如是普智菩薩普賢菩薩諸來會者天龍鬼神阿須輪聞佛所說莫不歡喜爲佛作禮

度世品經卷第六

音釋

潰	胡對切	偏匹	𠙴切	許王	喻許及切氣
脆	此苟切	馬躍	上也	助切	
易	斷也	物			
動	文里切	夾	胡頰切		
貌	屹立也	𢵤	扶也		
躡	同也	輶	乳充切		
		褊	柔也		
		陋	𧈧也		
		陋	𧈧也		